

## XVII. KAFLI

Gjaldskrá þessi og reglur eru settar samkvæmt 9. gr. laga nr. 73 frá 1984 um fjarskipti svo og samkvæmt 11. gr. laga nr. 36 frá 1977 um stjórn og starfrækslu póst- og símamála með áorðnum breytingum samkvæmt 8. gr. laga nr. 34 frá 1987 og gengur í gildi 1. október 1991. Reiknast nýju gjöldin fyrir teljaraskref aðeins af símtölum, sem fram fara 1. október 1991 eða síðar. Jafnframt fellur þá úr gildi gjaldskrá og reglur nr. 15 21. janúar 1991.

*Samgönguráðuneytið, 20. sept. 1991.*

**Halldór Blöndal.**

*Halldór S. Kristjánsson.*

## SAMÞYKKT

## um hundahald í Biskupstungnahreppi.

## 1. gr.

Hundahald í Biskupstungnahreppi sætir þeim takmörkunum sem fram koma í samþykkt þessari.

## 2. gr.

Hundahald er háð leyfi sveitarstjórnar. Sveitarstjórn getur veitt einstaklingum, búsettum í hreppnum, leyfi til hundahalds með eftirfarandi skilyrðum.

- a) Sækja skal um leyfi til að halda hvern einstakan hund. Hundurinn skal skráður á skrifstofu sveitarfélagsins, og þar fær eigandi hans afhent plötu sem jafnan skal vera í ól um háls hundsins.
- b) Árlega skal greiða sveitarsjóði leyfisgjald fyrir þá hunda, sem leyfi er veitt fyrir skv. sérstakri gjaldskrá sem heilbrigðis- og tryggingamálaráðherra staðfestir. Skjal upphæð gjaldsins miðuð við þann kostnað sem af hundahaldinu hlýst.
- c) Skyld er hundaeiganda að hafa hund sinn ábyrgðatryggðan hjá viðurkenndu váttryggingafélagi. Við greiðslu árlegs leyfisgjalds skal leggja fram kvittun frá tryggingarfélaginu, sem sýni að trygging sé í fullu gildi.
- d. Hundurinn skal aldrei ganga laus á almannafæri, heldur vera í fylgd með aðila, sem hefur fullt vald yfir honum. Eigi er leyfilegt að fara með hund inn í skólahús, opinberar byggingar, matvöruverslanir eða aðra staði þar sem matvæli eru höfð um hönd. Á almannafæri (skipulagt þéttbýli) er leyfishafa skylt að fjarlægja saur eftir hund/a sína á tryggilegan hátt.
- e. Hundaeiganda ber að öðru leyti að hlíta lögum og reglum er hundahald varða, þ.á m. reglum um árlega hreinsun hunda, greiðslu leyfisgjalds, svo og fyrirmælum er heilbrigðisnefnd kann að setja.
- f. Leyfi fyrir einstökum hundum er að jafnaði háð því að þeir raski ekki ró íbúa hreppsins og séu hvorki þeim né öðrum, sem um hreppinn fara til óþæginda, með tilliti til hávaða, óþrifnaðar, eyðileggingar verðmæta eða slysaþattu.
- g. Ef sótt er um leyfi til að halda hund í sambýlishúsi, skal skriflegt samþykki eiganda/íbúa hússins fylgja umsókn. Raðhús telst ekki sambýlishús nema um sameiginlega lóð sé að ræða.
- h. Eigendur þeirra hunda sem grunaðir eru um að vera smitaðir er skylt að hlutast til um að hundar þeirra séu rannsakaðir óski heilbrigðisfulltrúi, heilsugæslulækna í Laugarási eða héraðsdýralæknir eftir því.

- i. Skráðum bændum utan þéttbýliskjarna er heimilt að halda einn hund án greiðslu leyfisgjalds og einnig er heimilt að halda viðurkennda veiðihunda án greiðslu leyfisgjalds. Um þá gilda að öðru leyti öll ákvæði samþykktar þessarar, þar með talin tryggingar- og hreinsunarskylda.

### 3. gr.

Við brot á skilyrðum skv. 2. gr. skal fjarlægja viðkomandi hund. Skal honum komið fyrir sé um minniháttar brot að ræða í fyrsta skipti. Eiganda hunds er skylt að leysa hann þaðan út gegn greiðslu alls kostnaðar vegna brotsins. Sé um að ræða alvarleg eða ítrekuð brot, afturkallast viðkomandi leyfi til hundahalds.

Sé hunds ekki vitjað innan tveggja daga frá því að eiganda var tilkynnt um handsömun hans má aflífa hundinn, enda sé eiganda gert ljóst hvað vanræksla á að vitja um hundinn getur haft í för með sér. Hreppsyfirvöldum er aldrei skylt að geyma skráða hunda lengur en tíu daga frá handsömun og er heimilt að aflífa hundinn að þeim tíma liðnum. Kostnaður greiðist af eiganda.

Hættulega og óleyfilega hunda og þá hunda sem ganga lausir utanhúss, skal handsama og færa í geymslu. Heimilt er að lóga hættulegum hundum þegar í stað, af þar til kvöldum yfirvöldum.

Handsömun á óskráðum hundi skal auglýsa tryggilega, t.d. í útvarpi eða blöðum. Sé hunds ekki vitjað innan tíu daga má aflífa hann. Komi síðar í ljós hver átti hundinn má krefja hann um greiðslu kostnaðar. Sveitarstjórn er hvenær sem er heimilt að afturkalla leyfi fyrir einstökum hundum eða öll veitt leyfi, telji hún þess þörf.

### 4. gr.

Brot gegn samþykkt þessari, eða reglum settum skv. henni varða sektum, nema þyngri refsing liggji við að lögum. Með mál út af brotum á samþykkt þessari skal fara að hætti opinberra mála og í samræmi við VI. og VII. kafla laga nr. 81/1988, um hollustuhætti og heilbrigðiseftirlit.

### 5. gr.

Ofangreind samþykkt sveitarstjórnar Biskupstungnahrepps staðfestist hér með skv. 22. gr. laga nr. 97/1990, um hollustuhætti og heilbrigðiseftirlit, sbr. 1. gr. laga nr. 7/1953, um hundahald og varnir gegn sullaveiki, til þess að öðlast gildi þegar við birtingu.

*Heilbrigðis- og tryggingmálaráðuneytið, 17. september 1991.*

**Sighvatur Björgvinsson.**

*Ingimar Sigurðsson.*

### fyrir hundahald í Biskupstungnahreppi.

#### 1. gr.

Upphæð leyfisgjalds skv. b staflíð 2. gr. samþykktar um hundahald í Biskupstungnahreppi frá 16. september 1991 skal vera kr. 5 000,00 á ári. Gjald dagi er 1. mars og eindagi 1. júní. Heimilt er að innheimta vanskilavexti á gjalddaga hafi greiðsla ekki farið fram á eindaga.

#### 2. gr.

Ofangreind gjaldskrá sveitarstjórnar Biskupstungnahrepps staðfestist hér með skv. 22. gr. laga nr. 97/1990, um hollustuhætti og heilbrigðiseftirlit til að öðlast þegar gildi.